

09473

鹽城縣志

第八冊

鹽城縣志

卷之四

鹽城縣志卷之十四

列女

列女為婦女通稱本劉向列女傳故凡節烈賢孝並列
名簡策為之傳贊中國之資克著徽音不求名而名
不朽矣鹽邑舊志列女頗簡本慎重之意近則數倍
於前矣且近志於人物則刪削太甚於列女則增益
太多今之所修刪削者悉為補入增益者不遺一名
總以發潛德之幽光一本善善欲長之心而非有私
意於其間此固問之輿論矢之天日而可信無愧者
知我罪我聽之而已志列女

列婦

宋

陸丞相夫人隨丞相海島崖山破丞相收劍趨妻子入海夫人遂抱二子先沉海死明弘治十四年廣東右布政使劉大夏建祠祀楊太后以陸夫人配享萬曆壬辰監學司訓龐尚鴻申請當道亦以夫人及二子配享公祠

按宋史紀陸公夫人不紀其姓氏今不必強實之蓋夫人與丞相周旋久忠義之言聞之熟矣故當此顛沛之際夫人即先丞相而死嗚呼臣死君妻死夫子

死父一門義烈千古僅見省志府志邑志俱載近志
何以去之今仍錄入不可謂非全志之光也

明

王氏諸生劉存仁妻存仁孝子劉鑾子也氏素修婦道
存仁病卒是夜縊死夫旁有司以聞建貞烈祠在板
橋市南

胡氏廣遂妻年十九適遂三年夫卒矢志不二舅姑以
其無子且貧潛以許人一日聘禮至氏悲號幾絕是
夜縊死有司以貞烈旌門

郭氏王路妻夫亡時年二十九蓬首垢面經年不履閭

外撫二孤相繼痘疹殤遂自縊死

張氏那楫妻年十八夫亡踰旬夜半乘家人熟寢縊死

胡氏劉國用繼室夫亡七盡自經夫柩側啓其篋則所

製舅姑衣履及前妻遺子衣履也烈而兼孝且慈如

此知縣陳美親視棺歛裂帛為文以祭之

祭文載藝文志

蔣氏蕭儒妻夫死惟二女誓守夫兄欲奪其產迫之改

嫁不堪其虐氏控之上憲夫兄訟以姦難自解引利

刃祝曰虛空有盡我怨無窮遂斷其左腕衆驚訖夫

兄始伏辜太守高命重縣其手作石函貯之憲批萬

古綱常千秋名節一手可扶持縣給粟帛且旌其門

何氏泰順令潘仲蘭妾仲蘭卒氏年二十四自縊柩側
國朝

孫氏未得春妻家窘甚夫謂妻曰合則俱死分則兩全
爾謂何如孫曰寧死不從命又數日飢餓亦能起一
日孫忽曰節義廉恥人有其心如天意何且屈身以
活爾但爾得值即他往不可一刻遲因家娶者至門
遂自刺死

李氏嚴尚義妻有容色夫貧窮受鄰人賂密許與通氏
知之絕夫出繫兒女於牀自溺死

高氏武昌代妻年二十七夫亡晝夜悲慟一女方七歲

夫在時已許為某姓婦氏召其舅姑將女去人疑氏
有他志及七晝氏設祭列雙筋滿二下縊死柩旁有
司表之

宋氏諸生趙錫疇妻夫於康熙七年因奏銷案赴京返
至沂州半城地震殞命聞訃慟絕欲死家人苦勸勉
進粥一匕曰吾少緩須臾死者俟柩歸耳及柩歸以
頭觸棺血淋漓嘔血數升而死

朱氏呂震男妻年二十一夫亡矢志奉姑姑因家貧欲
再嫁之泣不從姑潛許人及聘期坦容以示不疑聘
禮至家遂自縊死

蔣氏張樹名妻隨夫館淮上劉伶臺側夫亡無子哀哭
措塋畢次日午刻門尚高隣婦視之挾門而入已自
縊矣臺畔土人重其節烈具棺斂之與樹名合塋

王氏張允曙妻夫亡於百日之間投繯而死

楊氏監生薛衣妻夫病暴劇氣絕楊度無生理遂自縊
及夫復蘇妻已殞命閭邑公舉節烈

胡氏王椅臣妻椅臣病篤諭妻曰吾死爾年少家貧無
以自給宜改圖為終身計氏泣曰夫慮我請先死夫
同好瞑即於是夜自縊死

王氏廩生成肇孫妻貢生王曉女夫病念妻無出妻曰

君無慮必不辱君夫歿即於次日自縊死年二十九
康熙癸未也乾隆四年建坊

潘氏苗長延妻年二十二夫亡自縊死邑令表其門

劉氏夏自慊妻年十八歸自慊半載而夫死無子孝事
孀姑者十年至康熙壬午姑以壽終含歿治喪畢創
閉戶不食而卒

薛氏監生蘇季占妻季占亡氏年二十二雉經以殉

鄭氏楊子厚妻子厚雙贅鄭親奉湯藥不懈及夫卒歿
畢輟泣以刃刺喉斷吻而死

邵氏沈琮妻夫亡年二十二誓以死殉家人防之邵密

藏涵夜服而斃時康熙六十年乾隆四年旌表

薛氏蔣鏞妻夫卒因有遺服剪髮伴歛及產乃得死胎
遂痛哭絕粒死

許氏劉闇士妻夫病篤割股以進竟不起遺孤甫十月
又患痘瘍因哭拜夫柩坐牀自經距夫死二十日身
著赫衣懷一帖云我死無易我服家人成其志雍正
八年事也十三年建坊

唐氏蔡虎妻年十六夫亡遺孤子至三歲溺死氏悲夫
絕嗣遂刃乃自刎死時雍正三年知縣旌以青年節
烈

秦氏王麟長妻康熙五十九年三月夫亡其年七月舅
亡次年五月姑亡連遭三喪慘不忍生無孤可撫遂
於姑歿之後安居事畢自縊而死時年二十歲

王氏潘開泰妻夫亡無子氏年二十二志不再適親族
閔之微言以勸遂縊死歛時有白鶴鳴空衆以為貞
操所感

呂氏楊文宗妻夫病到股夫歿欲自盡因夫遺未完况
夜餓詣債償畢服衰麻自縊時年二十四縣令魯獎
曰巾幗完人

王氏孫天涵妻年二十五夫暴殞鳴咽累日自縊死

劉氏張華臣妻遇暴不從自縊死雍正三年旌表
倪氏吳其中妻遇暴調戲投縊死乾隆五年旌表

蔣氏姜恩士妻乾隆元年夫亡三年喪畢仍服麻衣自
縊時年二十八縣令程旌以節烈可風

姚氏高應侯妻年二十一應侯死姚淚盡血流自縊死
唐氏王言妻年方二十遇暴力拒免污痛哭赴河死

烈女

國朝

沈氏沈潛女幼讀書曉大義父病到股許字薛國琳
未嫁夫亡聞訃飲泣潛以所著衣履前埋灰壤伺母

寢乘開縊死面如生身服絳繒衣反白裏使向外以示喪服其秉禮如此時康熙二十一年六月二十七日也年二十四事聞旌表建祠邑治東

沈氏沈華周女許配夏允未婚而夫死女年十七嘔血幾絕無何父受他姓聘女知之復嘔血委頓遂病革而卒夏姓宗黨義之迎其柩與允合塋焉

王氏王廣封女許配趙樹儀未婚夫死女聞之慟哭三日服縞素自縊死

蔣氏女許配趙廷對未婚夫死女聞訃自縊時康熙三十三年十九歲

唐氏女年二十未字遇暴不從自縊死康熙五十七年旌表

蘇氏蘇公煥女遇暴不從投水自盡雍正十一年旌表
王氏諸生王友薛女許陳繼中未嫁繼中死女投繯自盡時康熙五十二年十九歲乾隆四年旌表

潘氏諸生潘同鼎女字姜昌祖康熙戊戌未嫁而昌祖卒女哭告父母願歸姜守志父母哀其志遣之女易服赴昌祖屍所拜哭暈地視斂畢取奩具中華珍物悉付諸火遂執婦禮奉舅姑既而昌祖弟昌朝生子女請立為嗣四齡而子又傷女死時雍正

壬子距昌祖之卒凡十五年

趙氏女許配薛薰未嫁薰病亡女聞訃即絕食誓死因
父母勸慰疆匿哀居無何乘間自縊時雍正丙午四
月二十八日知縣于題曰蘭閨英烈

郭氏女許配張姓未嫁張病故女聞悲泣絕粒數日自
縊死時年十八

嚴廣生女許王姓未嫁夫死女年十九聞訃往吊歸而
自縊死

貞女

國朝

蔣氏王祝頤聘妻年十九未嫁祝頤死守志母家閱三十八載而終

蕭氏許嫁錢庶常未婚夫死女往錢門守節四十載卒人有詩哀之云一生未識兒夫面恪守閨門盡節終薛氏薛從龍女許字張顯紳年十八未嫁夫亡聞訃勵絕奔喪守節十八年而終

孝婦

明

王氏司拱辰妻性至孝在室刲股救母及嫁刲股救姑

國朝